



UNIVERSITÄTS-
BIBLIOTHEK
PADERBORN

Universitätsbibliothek Paderborn

Honori[i] Reggi[i] Kemnathensis De Statu Ecclesiae Britannicae Hodierno, Liber Commentarius

Horn, Georg

Dantisci, 1647

De Cretensi Johanne Goodwin.

urn:nbn:de:hbz:466:1-34026

parochiarum multiplicari queant, omnibus Provinciis maximè maritimis mandat, videant ne illud malum in hoc regno radices figat, sed ut pax & uniformitas in Religione & disciplina inviolata conservetur, neve quicquam irrepat servitio Regis adversarium. *Garrisole Moderator, Basnage Adjunctus, &c.*

De Cretensi Johanne Goodwin.

Contra *Gangrænam Thomæ Edoardi* quidam Joh. Goodwin Cretensem opposuit, ipse Cretensium mendacissimus, quem omnes norunt solis calumniis & maledicendo nobilem, qui Presbyterianos & sanctum illud regimen nunquam non scurriliter exagitat. Pauca introspeciamus. *In frontispicio vocat se fautorem sanctorum.* Ubi, ut & in toto opere, per sanctos intelligit Schismaticos suos, & Brownistas. Enimvero mirum cui videri possit, cum Edoardus inter alios errores Anabaptistarum, Antinomorum, Ariariorum recenseat, qui haud dubiè Independentes sunt, & se tales profitentur; calumniatorem tamen illos omnes, nullâ distinctione factâ, sanctorum titulo includere, & nihil aliud possim crepare, quàm *Classicos, Profelytos, classicam factionem, Prudentiales.* Et vide jactantiam hominis stolidam! Independentia, *inquit,* caput suum extulit supra Presbyterium: *Quantum lenta solent inter viburna cupressi; ut cedrus Libani supra carduos.* Tum ille Theomachus iterum contra pios slavam bilem evomit, cum Presbyterianos Episcopis comparat, & hos tantum Θεομαχῶν nugatur. Enimvero lamentabilis res est, quenquam Christianum adeò projectæ impietatis esse, ut illa horrenda, quorum catalogum Edoardus pio domus Dei zelocompilavit, pro leviculis habeat; & ipsa ad id Apocalypsi abutatur, ac proclxxx hæresibus myriadas sibi exoptet. Nec vanissimus homo se
conti-

continere potuit, quin omnes omninò Ecclesias ortho-
 xas calcaret fastu suo: Adeò, *inquit*, versatus sum in con-
 troversia de Imputatione fidei & Christi activa obedientia
 in justificatione, ut heic provocem omnes ordine Presby-
 terianos, sive in Synodo congregatos vel sigillatim, in An-
 glia, Scotia, Francia, Hibernia, si probare possint ex Scri-
 tura, per rationes & argumenta, vel fidem non imputari
 propriè, vel activam obedientiam Christi, formaliter specta-
 tam, imputari ad justificationem. *Hæc Thraso Cretenfis.*
 Mille calumniarum formas sibi Morpheus ille assumit.
 Tandem Presbyterianos Jesuitis assimilat, furiosâ men-
 tiendi cupidine. Cætera ipsum Edoardum spectant, & tria
 exempla negat vera esse; id quod de Cozeno Rocestriensi,
 Nicolao, & disputatione Calamii cum Anabaptistis refer-
 tur; quæ authori vindicanda relinquimus.

*Synodus Nationalis Reformati orbis, uni-
 cum componendæ Angliæ
 remedium.*

Multi sapientes, rerumque Ecclesiasticarum gna-
 ri viri, in ea opinione sunt, finem controversiis,
 quæ Angliam exagitant, nunquam impositum
 iri, nisi vocatâ ex transmarinis quoque regionibus
 Nationali Synodo. Idque inprimis Belgarum exem-
 plo illustant atque confirmant. Nam parem ferè, Inde-
 pendentium & Arminianorum, rationem esse. Utrosque
 cavillationibus suis, & tergiversatione, Ecclesiam pariter
 ac Rempublicam pessundare, nisi Senatus Theologorum
 Reformati orbis, eos ad modestiam & ordinem, salubribus
 consiliis, & si opus, censuris, revocet: Neque negari po-
 test,